

SESION EXTRAORDINARIA CELEBRADA POLO PLENO DO CONCELLO
O DIA 29 / XUÑO / 1.995

S U M A R I O

- 1.- APROBACION, NO SEU CASO, DA ACTA DA SESION CONSTITUTIVA DA CORPORACION, CELEBRADA O 17/XUÑO/1.995.
- 2.- DAR CONTA DA RENUNCIA OS SEUS CARGOS DE CONCELLEIROS DO B.N.G., PRESENTADA POR D. GABRIEL GUSTAVO SANCHEZ IBARRA E Da. Ma XESUS DIEGUEZ ROJO.

Na Sala de Sesiões do Concello de Redondela, ás dezanove horas do día vintenove de Xuño de mil novecentos noventa e cinco, baixo a Presidencia do Ilmo. Sr. Alcalde, D. XAIME REI BARREIRO, e a asistencia dos Concelleiros Sres. D. MANUEL ALONSO LEMOS, Da. MARIA DEL CARMEN BASTOS RODRIGUEZ, D. JOSE BLANCO PUGA, Da. FRANCISCA CANAL GOMEZ, D. JAIME DARRIBA VILAS, D. GUMERSINDO FERNANDEZ MENDEZ, D. EMILIO GONZALEZ IGLESIAS, D. MANUEL IGLESIAS CARRERA, D. LUIS ALBERTO MIGUEZ DOCAMPO, D. LUIS ALBERTO ORGE MIGUEZ, D. XOSE CARLOS PAZOS DOCAMPO, D. MANUEL PIÑEIRO COSTAS, D. FRANCISCO PUCH CASAL, D. AMADO RICON VIRULEGIO, D. LUIS RODRIGUEZ VILARCHAN, D. JOSE MANUEL SOTO VIRULEGIO, e D. JAIME TORNERO LOPEZ, actuando como Secretario que certifica, D. LUIS TORRADO VAZQUEZ, se constitúe o Pleno do Ilmo. Concello en sesión extraordinaria correspondente ó día da data, e de acordo coa Orde do Día remesada a tódolos Sres. Concelleiros coa antelación legalmente requerida. Non asistiu e excusou a súa ausencia por enfermidade a Sra. VILLAS VERDE RODRIGUEZ. Non asistiron os Sres. SANCHEZ IBARRA e a Sra. DIEGUEZ ROJO.

A Presidencia declara aberta a sesión en primeira convocatoria, procedéndose a trata-los asuntos da Orde do Día:

1.- APROBACION, NO SEU CASO, DA ACTA DA SESION CONSTITUTIVA DA CORPORACION, CELEBRADA O 17/ XUNO /1.995.-

Concedida a palabra pola Presidencia ó SR. RICON VIRULEGIO, por este maniféstase que se sinte orgulloso de participar neste Pleno e nos futuros que se convoquen, e que a oposición que faga será constructiva e dialogante.

Continua a súa intervención o citado Sr. Concelleiro dicindo en relación coa acta anterior, que non consta en acta as manifestacións efectuadas no pleno anterior polo Concelleiro Sr. Sánchez Ibarra, indicando que tales manifestacións reflexan a realidade do que aconteceu nese día da constitución da Corporación no Concello de Redondela.

O Sr. Alcalde-Presidente agradece ó citado Sr. Concelleiro a actitude constructiva manifestada polo mesmo.

Con respecto ás manifestacións a que fixo referencia o Sr. Concelleiro citado, manifesta que o Secretario non ten porqué recoller máis que aquilo que el supón necesario, imprescindible ou transcendente, e que senón se recolleron esas manifestacións, foi porqué o Sr. Secretario non o estimou necesario.

Concedida de novo a palabra ó Sr. Ricón Virulegio, por este sinálase que as actas deben reflexar o que está ocorrendo, e que si se pide a corrección da acta anterior, é porqué cree que está no seu dereito, pedindo que se engada a manifestación formulada na sesión anterior polo Concelleiro Sr. Sánchez Ibarra, e que se faga unha nova Acta de Arqueo que se axuste á realidade en base á dilixencia do Sr. Interventor do Concello, e conclue que mentras tanto este Grupo non lle prestará aprobación ó Acta anterior.

Polo Sr. Alcalde-Presidente insístese de novo en relación coa acta anterior, que si na mesma non se incluíron as manifestacións do Concelleiro Sr. Sánchez Ibarra, foi porque o Sr. Secretario non o considerou necesario e porqué o citado Sr. Concelleiro tampouco lle indicou que constara expresamente en acta as súas manifestacións.

Coa debida autorización do Sr. Presidente, polo Sr. Secretario se sinala que a redacción de actas, constitúe unha das súas funcións, non estando obrigado a recoller integramente tódalas manifestacións formuladas polos Sres. Concelleiros, a non ser que conste petición expresa dos mesmos nese sentido, e que non indicando expresamente o Sr. Sánchez Ibarra que constase en Acta as súas manifestacións, por ese motivo non se recolleron as mesmas na citada acta; Rematando a súa intervención, indicando que por outro lado esa corrección a que alude o Concelleiro Sr. Ricón Virulegio, tería que facela exclusivamente o Sr. Concelleiro que formulou as manifestacións aludidas e que non estando presente o mesmo nesta sesión, non procede, ó seu criterio, a corrección solicitada.

- Concedida a palabra pola Presidencia ó Sr. GONZALEZ IGLESIAS, por este maniféstase que non ve inconveniente en que con data de 16/6/95 se faga unha nova Acta de Arqueo, en presenza dos Sres. Concelleiros do PP e do BNG, indicando que o Grupo Municipal do PSdeG-PSOE non asistiría a ese acto, porque considera suficiente a Acta de Arqueo presentada no día da constitución da Corporación. Remata a súa intervención o citado Sr. Concelleiro, proponendo á Presidencia, que este primeiro punto da Orde do Día, correspondente á Acta da sesión anterior, quede Sobre a Mesa, pendente de aprobación para a próxima sesión.

Polo Sr. Presidente se sinala que non ten inconveniente en que se reflexen as manifestacións formuladas no anterior Pleno polo Concelleiro Sr. Sánchez Ibarra, transcribindo o Sr. Secretario as que formulara o Sr. Concelleiro aludido, quen indicara: Que tanto el como a Concelleira Sra. Dieguez Roxo, non querían emitilo seu voto favorable ó Concelleiro Sr. Rei Barreiro, na elección de Alcalde deste Concello, pero que o ían facer por imposición do Consello Nacional e en contra do acordado pola Asamblea Local, e que iso supo-

ría que este sería o último acto en que intervirían neste Concello ámbolos dous Concelleiros, aínda que seguirían loitando pola defensa dos intereses de Redondela. Remata a súa intervención o Sr. Presidente, proponendo que o punto primeiro desta sesión extraordinaria correspondente á aprobación da Acta anterior, quede SOBRE A MESA pendente de aprobación para o próximo Pleno.

Este Concello Pleno, por unanimidade, presta a súa aprobación a esta proposta formulada polo Sr. Presidente, e na súa consecuencia, a aprobación da Acta da sesión anterior, queda SOBRE A MESA pendente da súa aprobación para a próxima sesión.-


2.- DAR CONTA DA RENUNCIA OS SEUS CARGOS DE CONCELLEIROS DO B.N.G., PRESENTADA POR D. GABRIEL GUSTAVO SANCHEZ IBARRA E Da. Ma XESUS DIEGUEZ ROJO.-

Polo Sr. Alcalde-Presidente dase conta a este Concello Pleno de escritos de datas 19/6/95 asinados polos Concelleiros do BNG, D. GABRIEL GUSTAVO SANCHEZ IBARRA e Da. MARIA XESUS DIEGUEZ ROJO, nos que fan constar as súas renuncias ós cargos de Concelleiros do B.N.G. deste Concello, e a súa substitución polos candidatos correspondentes.

Este Concello Pleno, queda ENTERADO das renuncias antes referidas, formuladas polos Concelleiros do B.N.G. deste Concello, D. GABRIEL GUSTAVO SANCHEZ IBARRA e Da. Ma XESUS DIEGUEZ ROJO.-


E, rematados os asuntos a tratar, pola Presidencia levantouse a sesión, sendo as dezanove horas e vinte minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio 084 do Papel Timbrado da Comunidade Autónoma de Galicia Serie A Nq 0358872 ata a volta do folio 085, Serie A Nq 0358873, de todo o que, como Secretario, DOU FE.-

O ALCALDE



XAIME REI BARREIRO

O SECRETARIO



LUIS TORRADO VAZQUEZ